



F A C T V M

Entre Messire Jehan de la Chambre

sieur de Montfort Cheualier de l'Ordre du Roy.

*Contre Dame Marie Brisson vefue de feu Messire Ayme de la
Chambre son fils.*



A contention qui est entre les parties naist des cō-
uentions contenuës au contract de mariage.

La premiere clause des cōuentions est, que le fu-
tur espoux à doüé la future espouse de doüaire pre-
fix, à sçauoir de la somme de quatre mil liures de re-
uenue annuel, qui deuoit estre propre aux enfans qui naistroient de
ce mariage, & dont elle doit estre saisie sans en demander declara-
tion aux heritiers, nonobstant toutes coustumes à ce contraires,
ausquelles icelles parties derogent.

La seconde est, qu'elle aura pour son habitation & demourance
le Chasteau, maison & Baronnie de Brange.

La troisieme, que l'on luy donnera des bagues & ioyaux selon
la dignité & qualité de la maison du sieur de Montfort.

La quatrieme qu'ils seront vns & communs en tous biens meu-
bles, acquest & conquest immeubles qu'ils feront durât & constât
leur futur mariage nonobstant toutes coustumes à ce contraires,
ausquelles icelles parties ont derogé & derogent.

La cinquiesme aduenât la dissolution du mariage, soit qu'il y eust
enfans, ou non, seroit à l'option de la future espouse de prendre &
accepter la communauté ou y renoncer, & en cas d'acceptatiō au-
roit la future espouse par preciput & aduantage ses habillemēs, ba-
gues, ioyaux: & en cas de renonciatiō tout ce qu'elle auroit appor-
té & qui seroit escheu, & outre ces habillemens, bagues, ioyaux,
auec son doüaire tel que dessus le tout franchement & quittement
de toutes debtes encores qu'elle eust parlé & se fuisse obligée.

De derogation à la coustume de Bourgongne en ce cas d'acce-

A



ptation ou renonciation à la communauté *nullum verbum quod notandum.*

Après sont seulement adioustez ces mots, à l'entretènement, execution & accomplissement des conuenances susd. & chacunes d'icelles, s'est le sieur de Montfort obligé & oblige avec sondit fils & luy seul & pour le tout sans diuision ny discussion, renonciatio par luy au benefice de diuision, ordre de droict & de discussion.

Voilà les termes & clauses du contract sur lesquelles l'intention de ladicte Dame Marie Briffon peut estre fondée.

Depuis ce contract ledit sieur de la Chambre fils & ladicte dame Briffon ont demouré neuf ans en mariage, nourris & entretenus aux despens dudit sieur de Montfort defend. en la maison de Ruffey au Parlement de Bourgongne, lequel a fait de grandes despenses, non seulement à sa nourriture, mais à luy donner & dresser equipage de guerre lequel il a perdu deux fois, & specialement peu de iours auparauint son decez ayant fait rencôtre des ennemis du Roy, & contraint de se sauuer seul. En ceste rencontre il s'eschauffa tellement qu'il en mourut, de ce la demanderesse doit demeurer d'accord, d'autant que c'est chose de sa cognoissance.

Or apres son decez sans faire declaration si elle accepte ou renonce à la communauté elle demande son doüaire, & d'autant que la coustume de Bourgogne priue du doüaire la femme noble qui renonce à la cōmunauté, elle soustient que son contract ne doit estre réglé à la Coustume de Bourgongne, ains de Paris, & non seulement qu'elle doit auoir doüaire, mais qu'elle doit auoir ce qui luy a esté promis par son contract de mariage, ores que la coust. de Bourgogne ne le permette, & se fonde sur ce que l'on dit ordinairement que *contractus ex conuentione legem accipiunt.*

A cela respond le defendeur, & dit, que ceste requeste reçoit limitation, à sçauoir si la loy municipale y repugne & resiste, *quia pacta contra leges nullius momenti l. pacta & de pact. & nullū videtur pactum subsecutum inter eos qui contrahunt lege contrahere prohibente l. non est dubium C. de legib.*

La question donc principale est, de sçauoir par qu'elles loix les conuentions susdites doiuent estre réglées, s'uyuât le lieu ou le contract a esté passé, ou s'uyuât le lieu ou le mary à tousiours eu son domicile, qui est la coustume de Bourgogne, & ou les biens sont assis.

La resolution des Docteurs est bien *in l. si fundus ff. de cuius. & in*

l. 8. de summa tritin. & l. 2. & quidem test. aper. que inspiciendus est locus contractus pour la solénité de l'acte & validité d'iceluy : mais pour les biens dont ils disposent execution & conuentions si elles sont legitimes ou non, *inspicienda consuetudo loci ubi bona sunt sita*, par ce que comme dit Charondas le Charon au Comment qu'il a fait sur les coustumes de Paris art. 83. les immeubles ont assiete, & sôt reiglez par les coustumes des lieux où ils sont assis *maximè in dote*, les conuentions matrimoniales sont reiglées selon le lieu du domicile du mary, & où les biens sont assis *DD. in l. exigere ff. de iud. & in d. l. 1. Masuer. §. item cum agitur de dote & mat.* Tiraq. en diuers lieux. *Cuma. cons. 26. cons. 172. Ias. in d. l. 1. Pet. de Anch. cons. 163.* où il dict que quand bien il seroit conuenu par exprez que le contract seroit reiglé suyuant la coustume de Paris, telle conuention dict-il seroit bonne pour les biens siz à Paris, mais nō pas pour ceux qui seroient hors de Paris.

Consequēment les conuentions dudit contract de mariage doiuent estre reiglées par la Coustume de Bourgongne, ou les biens sont assis, & où estoit le domicile du mary.

Ne faict rien au contraire la clause du cōtract que les parties ont subit la Iurisdiction de la Vicoté & Preuosté de Paris pour l'execution du contract *quia ratione contractus quis sortitur forum etiam iure ipso l. 2. ff. de iud.* & ceste conuention a lieu *ad actionem & ordinationem litis, non ad decisionem*, pour le regard dequoy il faut tousiours auoir recours au lieu ou les biens sont assis *DD. in dictis locis.*

Et mesme *Cast. in d. l. C. de summa trit.* tient que celuy qui ne peut disposer de ses biens qu'il a en vne prouince, sinon *certo modo* faisant sa disposition en autre lieu, que le lieu ne l'habilite point.

Venant à la coustume de Bourgongne, par laquelle telles conuentions doiuent estre reiglées.

Il est bien permis de constituer doüaire diuis, qui est à dire, conuentionel à la femme, ce qu'aduient cōme dit Chass. tit. des droits appart. à gens mariez, §. 8. *in versic. sed quero* : Quant au lieu de l'usufruit de la moitié des biens anciens ou propres du mary, il est conuenu qu'elle prendra certaine somme de reuenu annuel comme au cas present.

Mais il n'est pas permis au mary de constituer doüaire diuis à la femme plus grand que la valeur de la moitié de ses biens anciens.

Que si telle constitutiō de doüaire diuis excède la coustume dict.

S. 8. d. tit. des droicts, qu'elle sera ramenée & reduicte au doüaire coustumier.

C'est à ſçauoir cōme interprete Chaffa. d.S. 8. *in textu ibi* sera ramenée, qu'au lieu du doüaire diuis, en ce cas elle prend le coustumier & eſt ſaiſie du doüaire coustumier *quia ut dicit l. 3. §. pen. ff. de it. act. priuat. reducere eſt ad priſtinam formam ducere*, & ainſi ce pratique en Bourgongne.

Facit pro hac cōſuet. l. ex animo ff. de donat. int. vir. & vx. ubi ſi maritus promittit aliquid uxori ut ſe alat non valet ſi excedat fructus dotis & uſque ad fructus dotis reuocatur facit etiam auth. æqualitas & in l. Leonis C. de pact. cōment. ubi maior lucri pars reducitur ad minorem & ibi Bart. dicit quod pactum in æquale reducitur ad æquale.

Voire Chaff. tient *in textu ibi*, & ſi le doüaire, que ſil n'y a point d'anciens heritages, qui eſt à dire propres, & que le doüaire coustumier ne puiſſe auoir lieu, que l'on aura eſgard aux biens acquis, & que tel doüaire diuis ne pourra excéder la moitié.

Or l'on a ſouſtenu à la plaidoyerie de la cauſe, & il n'a point eſté inſiſté au contraire que tout le reuenu des terres & ſeigneurie de Brange adiouſtant le bien qui pouuoit appartenir à l'eſpoux par le decez de ſa mere ne pouuoit valoir de quatre à cinq mil francs eu eſgard au temps du contract, & au temps du iourd'huy *quod tempus inſpiciendum argumento l. cum quæritur C. de inoff. teſt. & nouelle de immenſ. donat.* il vaut beaucoup moins attendu les ruines des ſubiets & du domaine.

Ainſi l'on conſent qu'acceptant par ladite Dame Marie Briſſon la cōmunauté qu'elle demoure ſaiſie de la moitié de tous les biens du deſunct ſon mary au lieu du doüaire diuis en quelque lieu que leſdits biens ſoient aſſis & ſituez, à la charge neantmoins qu'elle ſera tenuë de rapporter en partage les meubles qui luy ſont eſcheuz par le decez de feu ſon pere de tenir cōpte des fruits & reuenu des biens, & de payer la moitié des debtes créés pendant le mariage, & en oultre les deux mil eſcus qu'elle deuoit ameubler, & de payer cōme heritiere de ſon dit pere pour le tiers, le tiers de la moitié des arerages de la rente de ſon mariage à compter du iour du contract, veu qu'aucun payement n'en a eſté fait.

Ne peut profiter à ladite dame Marie Briſſon la clause ſuſd. qu'elle demourera ſaiſie du doüaire diuis nonobſtant toutes couſtumes à ce contraires auſquelles les parties derogent.

Consideré, comme dit est, que la loy & coustume de Bourgonne repugne à telle conuention & y resiste, ou l'on vouldroit estendre ceste conuention, comme si les parties auoient dict que où tel doüaire diuis excéderoit le coustumier qu'il ne seroit reduict au coustumier.

Et Chass. §. 7. *in verbo donationis versic. quantum* dict notammēt que *consuetudines nostræ habētur pro lege, quia habent auctoritatē à principe vt patet in proemio & fine*, & quelles doiuent estre gardées, & ne peuuent estre enfreintes par autre que par le Prince, & que les parties ne peuuent rien faire contre telles coustumes *etiam cum clausula non obstante tali consuetudine quia nemo hoc facere potest, qui est inferior à principe* Ias. in l. *nemo potest* in 23. col. de leg. 1. gl. in auth. *qua in provincia in verbo omni priuilegio* C. *ubi de criminib. agi oport.* Felyn. in cap. *constitutus ext. de restit. spoliat.* Alex. conf. 25. vol. 1. Idem Chass. tit. des retraicts §. 1. *in verbo primò.*

La raison de nostre coustume pour la reduction du douaire diuis au coustumier est *ne quis malè re sua utatur* §. pen. Instit. de *his qui sunt sui vel al. iur.* & respicit fauorem publicum ne coniugis depauperentur §. 1. Instit. quib. al. non licet & pacta quæ sunt contra utilitatem publicam nullius sunt momenti d. l. pacta.

Si le doüaire diuis & promis auoit lieu ladicte dame Marie Brisson ruinerait ledit sieur de Montfort, veu que tous ses biens eu esgard aux grands debts où il est constitué pour les impenses qu'il a supporté à cause de son fils, ayant esté tousiours au seruice du Roy, tant au siege de Rouën avec vingtceinq cheuaux, que depuis par la perte plusieurs fois de ses armes & cheuaux.

Attendu aussi qu'il a supporté tous frais & charge de mariage de son fils & belle-fille, sans auoir receu les arrerages de son mariage, combien qu'il fust priué par la guerre du reuenu de la plus part de ses biens.

Durum esset dotē non data neque soluta, qu'un beappere & vne telle maison fust ruinée par tel contract.

Nihil etiam superesset aux enfans que ledit sieur de Montfort a eu depuis d'un second mariage, ny a sa fille du premier liēt, & toutes-fois il s'est retenu les fruits des biens donnez. Par l'ordonnance du Roy Henry, il n'est pas permis *vitrico aut nouerca plus relinquere quā uni ex liberis cui minus* qui dira que les parties adioustant la clause *non obstante* puissent abroger ou déroger à ceste loy, & que la fême

conuolant à secondes nopces puisse faire plus grand aduantage à son mary qu'il n'est permis par la loy.

Qui dira aussi en ce cas que contre la loy ou les biës sont assis, par laquelle le mary ne peut par douaire diuis donner à sa femme plus que la moitié du reuenu de ses biës anciens qu'il puisse par la clause *nonobstante* y deroger.

Les Coustumes & les Loix seroiēt illusoires s'il estoit permis aux hommes d'y deroger *ius publicum priuatorum pactionibus belli non potest*. Aussi n'y a-il pas apparence que les parties y ayēt voulu deroger, ces mots *nonobstant* toutes Coustumes, estant adioustez seulement à cause qu'il estoit cōuenu que le douaire seroit propre aux enfans, & qu'elle demoureroit saisie par la Coustume du douaire diuis.

Lesquels cas sont obmis par la Coustume de Bourgogne, n'estât dit que le douaire soit diuis ou coustumier soit propre aux enfans, ny qu'elle demourera saisie du douaire diuis, & partant ils ont peu adioster telles conuentions à la Coustume, puis qu'en ce cas il n'y a point de prohibition au contraire.

Ne luy peut aussi seruir ce que led. sieur de Montfort s'estant reserué l'usufruit des biens de son fils pour l'entretienement & institution d'iceluy il a promis bailler certaine pension.

Car par la pension promise il ne faut pas mesurer le reuenu des biens, mais par la verité estât aisé à cognoistre par la lecture du cōtract que *miles cum togato negotium habebat*.

Aussi n'a-il pas promis de faire valoir le bien donné huit mil liur. de rente, & si bien telle promesse auoit esté faite tousiours faudroit il faire la reduction du douaire diuis au douaire coustumier, *quia* le mary indirectement contreuendrait à la loy par telle promesse.

Ne nuit que le pere est obligé vn seul & pour le tout à l'accomplissement du cōtract.

Car tout ainsi que nous voyōs que la femme qui intercede pour autrui *contra Senatusconsulti auctoritatem*, si elle donne vn fideiuseur *exceptio legis vel Sci. Vell.* ne compete pas seulement à la femme *quinimò fideiussori l. mulierem C. ad Vell. quia lex improbat obligationem l. si mulier §. si ab ea ff. eod.* & sur ce dit Faber *nequidem si fideiussor donare vellet*, pour monstrier qu'il faut cōsiderer l'origine de l'obligation pour en chercher l'exécution.

Aussi le pere ayant intercedé pour son fils & s'estant obligé pour

luy, le fils n'ayât peu s'obliger à plus grād douaire diuis que le coustumier, & la reduction debuant estre faite par le coustumier *eadem exceptione pater ubi potest nec in durionem causam potuit obligari* autrement l'on tromperoit la coustume *dato fideiussore.*

Veu mesmement que *non solum tanquam obligatus sed tanquam hæres filij conuenitur.*

Que si par le tiltre de *æqualit. dotis & donat. propt. nupt.* il y deuoit auoir egalité entre la dote & l'aduantage que le mary faisoit à sa femme, combië plus en ce cas ou le beaupere n'a receu aucuns deniers en payement de la dot, la dot n'est que de 4. mil liu. de rente, & toutesfois elle en veut emporter six mil des biens de son mary.

Ce qui se pratique à Paris aux contracts de mariage est, le tiers en meuble, le tiers en propre, & le tiers en douaire.

Ce neantmoins elle voudroit doubler sa dot sans ameublissement considerable.

Aussi en pays de droict escrit il a esté iugé que l'augment ne peut excéder le tiers de la dote payée. Et de plus elle sçait bien que la femme du feu sieur de Montfort qui estoit femme de qualité & de maison n'auoit de douaire que douze cens liures, lequel douaire le sieur President Briffon auroit luy-mesme racheté.

Elle sçait bien aussi que Madame de Môtfort femme du sieur de Montfort n'a que mil liures de douaire, combien qu'elle ne soit de moindre qualité, & qu'elle a apporté de grand biens au sieur de Montfort son mary.

Ce que dessus seruira au cas qu'elle accepte la communauté.

Que si elle renonce à la cōmunauté, l'on soustiët que par la coustume de Bourgongne elle ne peut demander aucun douaire diuis ny coustumier §. 19. & Chass. in textu ibi, qui ne se vouldra entremetre, dit que *per renunciationem priuatur mulier suo iure dotalitij, quia inquit habet ius dotalitij*, par ce que *ad debita tenetur & renunciatione ad æs alienum non tenetur.*

Or qui *acceptat emolumentum nō potest repudiare onus annexū l. nemi-nē & ibi Bart. ff. de leg. 2. l. quoniā & ibi Bald. C. de nat. lib. & partes lucrī & dāni debent responderē l. si cū dotem §. si maritus ibi quid enim sol matr.*

La conuention au contraire ne vaudroit *quia aliquid fraudis haberet & doli ex eo quod contra æquitatem & naturam societatis l. 3. §. fin. pro soc. & quia contra ius publicum Pet. de Anch. cons. 163.* où il tient notāment que *in renuntiando non tenebit doarium sed perdet.*

La raison qu'il rend est, que la Coustume de Bourgongne *naturalis est realis & respicit rem & disponit circa bona & inspicienda in bonis existentibus intra territorium & præfertur accidentali consuetudini ex voluntate contrahentium & præfertur naturalis accidentali quando sunt contraria l. qui habebat ff. de test. tut. Ias. in l. 3. ff. de off. ass.*

Tellement que s'il auoit esté mesme dit que les parties suyuroiēt la Coust. de Paris *quæ est accidentalis* au mary *attendi deberet* la Coustume de Bourgongne *prohibitua*, & non celle de Paris *etiamsi permissua esset Ias. in l. 3. de off. ad sess. Bart. in l. 3. de susp. tut.*

De ce que dessus resulte qu'il n'y a lieu en cas d'acceptation de la communauté d'adiuger aucune prouision de douaire suyuant le contract, & que la prouision doit estre ioincte au principal.

Car la maxime est bien que tous contractes emportent prouision mais elle a ses exceptions, sinon que tel contract soit contre la loy qui empesche la validité du contract, ou en tout, ou en partie.

La prouision donc que l'on peut adiuger est celle que l'on cōsent du reuenu de la moitié des biens du defunct en quelque part qu'ils soient assis & situez dont elle est saisie par la coustume par reductiō du douaire diuis ou coustumier.

En cas de renonciation il ny eschet aucune prouision de douaire ains en ce cas l'on requiert qu'elle en soit deboutée avec adiudication de tous despens, dommages & interets.

Quant au Chasteau de Brange luy donne pour son habitation, consent le sieur de Montfort qu'elle ioyssse du lieu & maison en l'estat qu'elle est, mais ayant esté ruinée par feu il ne peut estre contraint à le rebastir *arg. l. qui vsumf. 36 & l. 71. ff. de vsumf. l. 23. 24. ff. quib. mod. vsumf. & ainsi rapporte Charondas le Charon tit. des douaires art. 262. auoir esté iugé par arrest de la Court.*

De dōner autre maison il n'y est point tenu puis que *in specie* telle maison a esté designée pour habitation *sicut si quis domum titianā legauerit in specie liberatur hæres domo exusta.*

Pour les bagues & ioyaux elle n'est receuable veu qu'elle a emporté ceux qu'elle auoit, ensemble ses habillemens.

Par ces moyens ledit sieur de Montfort conclud à ce qu'il plaise au Conseil ordonner qu'auparauant que faire droit sur la prouision du defunct, elle declarera si elle accepte ou renōce à la communauté suyuant l'arrest du 18. Iuillet dernier, & demande despens dommages & interets.



factum per
Monsieur le
Conseiller